



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Malvm Svmmi Mali Sive De infinita grauitate peccati
mortalis Libri Qvinq[ve]**

Pelecycus, Johannes

Monachii, 1615

VII. Ignobilis homo est, miser, quâ intellectu constat.

[urn:nbn:de:hbz:466:1-52025](https://nbn-resolving.org/urn:nbn:de:hbz:466:1-52025)

*Ignobilis homo est & miser, quâ intel-
lectu constat.*

Elus enim vsu, initiò condi-
tionis suæ, septennio circi-
ter caruit, tenebris obsessus, ca-
roq; adeo senior fuit, vtpote quæ
simul cum homine & nascitur,
& vires explicat, quod intelligē-
tiæ nō datur. Vnde & bestiis ip-
sis hac in re homo miserabilior
est, vt D. August. notauit, hunc in
modū scribens: *Pulli etiam minu-
tissimi & currūt, & matres agnoscūt,
nec sugendis vberibus cura & ope ad-
mouetur aliena, sed ea ipsi in maternis
corporib⁹ loco abdito posita mirabili fa-
cilitate nouerunt. Contra homine nato, et
nisi ope nutriētis admotis labris papilla
vberis ingerantur, nec ubi sint sentiūt,
& iuxta se jacentibus mammis magis
possunt esuriētēs flere quàm sugere. Cū
eum deinde vsu attingere inci-
pit, & ad artes, vel rerum natura-
lium*

*Lib. 1. de
pec. mor.
& remis.
c. 38.*

lium scientias se conuertit, præter sciendi desiderium, sibi à natura inditum, vix aliquid, quo iuetur, ex se habet; reperit etiam tantam ea in re difficultatem, vt ignorare, quàm discendi laborē sustinere velit. Id D. Aug. his verbis testatur: *Sine labore nihil scimus, discimus cum labore, & plerique sic discendi laborem fugiunt, vt malint in perpetuis ignorantia tenebris versari, quàm laborem subire ad discendum necessarium.* Cùm cum tamen præsciendi desiderio, deuorare connititur, ope aliena, labore, sudore, experientia, & tempore benè longo opus habet, vt tenebras, quibus immerfus est discutiatur, scientiâ acquisita. Cui tamen errores & falsitates, multæ misceri solent, recte vt dicere possit. *Didici scientiam, didici & errorem;* vel illud etiam cum Socrate: *Hoc vnū scio, quod nihil scio,*
prop-

Lib. 22.
C. 11. c. 2

propter eam etiam rationem, quod maxima pars eorum, quæ scit, minima eorum est, quæ nescit; Vnde illud natum videtur:

Ecl. 1. 18.

qui addit scientiam, & laborem addit.

Sæpe etiam peruersa, vel minus necessaria certè cognitio est, quæ magno labore paritur. Vtilissima & summè necessaria est Dei cognitio, cui cultus, honor, & amor debetur; finis deinde hominis, in cuius consecutione felicitas consistit; mediolorum item earumque rerum, per quas ad beatam vitam perueniri potest & debet; sui tandem notitia & delictorum suorum. Sed videt homo,

Matth. 7. 3.

festucam in oculo fratris sui, & trabem in oculo suo non videt; manticæque quod in tergo est; sicq; cum in honore esse possit, non intelligit, comparaturque iumentis insipientibus, illisque

Ps. 48. 13.

similis fit. *Videt sapitq; terrena, ut*

D. Pau.

D. Pau
su ad e
afferun
nia ho
& igno
tione
est, den
volunt
adiuta
perfid
dere a
mare.
serpen
Deum

Pecca

VO
pa
accepit,
quo, su
lum, su
sus, no

D. Paulus ait, præcipitque cur- *Phil. 3. 19.*
 su ad ea fertur, quæ ei exitium
 afferunt & perniciem. Quæ om-
 nia hominis impij & vilitatem
 & ignobilitatem, quatenus ra-
 tione & intelligentia præditus
 est, demonstrant; pessimam item
 voluntatem, rationis ingenio
 adiutam, qua is Deum infami
 perfidia, & atroci iniuria inua-
 dere audet. *Erubescere Sidon, ait*
mare. Apage insane peccator,
 serpens Lybice desine insanire,
 Deumque offendere.

CAPVT VIII.

*Peccator spectata sua voluntate,
 miser est.*

Voluntas, per lapsum primi
 parentis, *grauè malitiæ vulnus*
 accepit, vt D. Thomas loquitur, *1. 2. q. 85. ar. 3.*
 quo, suo quasi momento, ad ma-
 lum, sub specie boni, iudiciũ sen-
 sus, non rationis, quod debebat,
 G sequens,